

H9 LACKENBACH (A)

O „Zigeunerlager Lackenbach“ vazde vuni distriktoskê administracije kata o regiono Niederösterreich taj le Bečeski foroski administracija. Kana taj kana trajinas ande kado logoro ži ka 2.000 manuša aj kodja tala bi-manušikane kondicije. Lokalni firme pozajmisarde peskê butivar le logoroskê řobon palaj bući zorasa. 273 manuša mule direktno ando logoro. Kata l' 4.000 logoroskê řobur 2.000 řenen ando Łódź deportisarde ando bërš 1941. Le manušendar kaj ašilesas, deportisarde ando bërš 1943 le maj bute řenen ando Auschwitz-Birkenau.



1910

1951

1940

💡 Žanglen tumen

...kê kado logoro sas o maj baro logoro pala Sinti taj pala Řom ande antrego Njamcicko „Rajx“?

✍ Tumari bući

Informirin tumen, kaj sas ande tumaro regiono jek logoro pala Řoma taj Sinti, savo sas maj pašê. Pala soste del tumen o logoro adjes godji?

📷 Paj fotografija

Jek Bečesko řingalo kata kriminalno policija lel sama pe Řomengê familije, save aven deportirime ando logoro Lackenbach. O patreto fotografirisajlo ka 23.11.1940 pe piterimasko djes kata o logoro Lackenbach. Privatno kolekcija kata o Leopold Banny, Lackenbach/Austrija.



<https://www.romasintigenocide.eu/kelderash/h>